



Broj: 14-11-550/26
Vogošća, 24.04.2026. godine

Na osnovu člana 69. stav 2. tačka a), člana 70. Zakona o javnim nabavkama BiH ("Službeni glasnik BiH" broj: 39/14, 59/22 i 50/24) i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15, 9/20 i 23/24), Općinski načelnik je dana 24.04.2026. godine donio

**ODLUKU
O PONIŠTENJU KONKURENTSKOG ZAHTJEVA ZA DOSTAVU PONUDE ZA PRUŽANJE
USLUGE OBJAVLJIVANJA OBAVJEŠTENJA U SLUŽBENOM GLASNIKU BIH**

Član 1.

Poništava se Konkurentski zahtjev za dostavu ponude za pružanje usluge objavljivanja obavještenja u Službenom glasniku BiH broj: 14-11-550/26, jer je jedina dostavljena ponuda ocijenjena kao nepravilna odnosno nije u skladu sa Tenderskom dokumentacijom, a shodno članu 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14, 59/22 i 50/24).

Član 2.

Ova Odluka stupa na snagu danom donošenja, a objaviće se na web stranici Općine Vogošća.

OBRAZLOŽENJE

Općinski načelnik je dana 01.04.2026. godine donio Odluku o pokretanju Konkurentskog zahtjeva za dostavu ponude pružanja usluge objavljivanja obavještenja u Službenom glasniku BiH, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 01.04.2026. godine pod brojem: 1353-7-2-65-3-71/26.

Tendersku dokumentaciju sa Portala javnih nabavki BiH je preuzelao je 5 (pet) ponuđača. Krajnji rok za dostavu ponuda bio je 14.04.2026. godine do 10:00 sati.

U krajnjem roku za dostavu ponuda dostavljena je 1 (jedna) ponuda, što je konstatovano zapisnikom sa otvaranja ponuda.

Shodno navedenom Zapisniku sa otvaranja ponuda, Komisija za javne nabavke konstatuje da je zaprimljena 1 (jedna) ponuda i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM) SA POPUSTOM bez PDV-a	UKUPNA CIJENA (KM) sa PDV-om
1	JP NIO "Službeni list BiH" Sarajevo	18.100,00	/	/	21.177,12

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponudu, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 14-11-550/26 iz aprila 2026. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača JP NIO "Službeni list BiH" Sarajevo nije u skladu sa Tenderskom dokumentacijom, jer je izvršena ispravka cijene, a pored ispravke nije stavjen potpis ni pečat, te ponuda nije pravilno uvezana.

Tačkom 8.1.4. Tenderske dokumentacije propisano je:

„Ponuda se izrađuje na način da čini cjelinu i mora biti napisana neizbrisivom tintom. Ispravke u ponudi moraju biti izrađene na način da su vidljive i potvrđene potpisom ponuđača, uz navođenje datuma ispravke. Svi listovi ponude moraju biti čvrsto uvezani na način da se onemogućí naknadno vađenje ili umetanje listova, osim garantnih dokumenata.

U skladu sa stavom Agencije za javne nabavke BiH pod čvrstim uvezom se podrazumijeva ponuda uvezana odnosno ukoričena u knjigu ili ponuda, na neki drugi način, uvezana u cjelinu i uz to osigurana jamstvenikom čija su oba kraja na prvoj ili posljednjoj strani pričvršćena utisnutim žigom ili naljepnicom ovjerenom pečatom ponuđača a u svrhu izbjegavanja manipulisanja stranicama ponude.”

Ponuđač JP NIO "Službeni list BiH" Sarajevo je u Obrascu za cijenu ponude Aneks 2 za stavku 3. Sažetak obavještenja (obavještenje o nabavci, obavještenje o dodjeli, obavještenje o poništenju) i stavku 3.1. Ispravka sažetka obavještenja izvršio korekciju cijene, na način da je vidljivo da je cijena brisana korektorom, te je preko obrisanog dijela upisana cijena, ali ispravku nije potpisao, ovjerio niti naveo datum ispravke.

Također, Ponuda ponuđača JP NIO "Službeni list BiH" Sarajevo nije pravilno uvezana. Naime, ponuda je uvezana samo jamstvenikom, ali krajevi jamstvenika nisu pričvršćeni žigom ili naljepnicom ovjerenom pečatom ponuđača.

Obzirom da Ponuda nije u skladu sa uslovima propisanim Tenderskom dokumentacijom, a u skladu sa odredbom člana 2. stav I alineja 3 i člana 68. stav 4. alineja i) Zakona o javnim nabavkama BiH ("Službeni glasnik BiH", broj 39/14, 59/22 i 50/24) predmetna ponuda je nepravilna i kao takva nije prihvatljiva za ugovorni organ.

Iz navedenih razloga, Komisija za javne nabavke je aktom broj: 14-11-550/26 od 22.04.2026. godine jednoglasno dala preporuku Općinskom načelniku da donese Odluku o poništenju Konkurentskog zahtjeva za dostavu ponude pružanja usluge objavljivanja obavještenja u Službenom glasniku BiH iz razloga što je dostavljena ponuda ocijenjena kao nepravilna, odnosno nije u skladu sa Tenderskom dokumentacijom, a shodno članu 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14, 59/22 i 50/24).

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o poništenju postupka izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradila: Meliha Čolpa

Kontrolisala: Đejna Sarač

OPĆINSKI NAČELNIK

Migdad Hasanović

Dostavljeno:

1. „JP NIO "Službeni list BiH" Sarajevo
2. Nadležnoj Službi
2. U dosije
3. a/a

jnb.komercijala@sllist.ba

DOSTAVLJENI AKT JE ISTOVJETAN ORIGINALU KOJI SE NALAZI U SPISU PREDMETA